



宋本
春秋左氏傳

五六

仁12
1726
3



門口仁12
孫 1726
卷 9

春秋經傳集解僖公上第五

僖公名申。莊公之子。閔公之兄。母成風。謚法。小心畏忌曰僖。

杜氏 盡十五年

經元年春王正月齊師宋師曹伯次于聶北

救邢 齊帥諸侯之師救邢。次于聶北者。案兵觀釁以待事也。次例在莊三年。聶北。邢

地。輒反。夏六月邢遷于夷儀 邢遷如歸。故以自遷為辭。夷儀

邢地。齊師宋師曹師城邢 傳例曰。救患分災。禮也。一事而再列三國。

於文不可言。秋七月戊辰夫人姜氏薨于夷

齊人以歸 諱之。書地者。明在外薨。楚人伐



鄭荆始改號曰楚八月公會齊侯宋公鄭伯曹伯邾

人于榿榿宋地。陳國陳縣西北有榿城。公及其會而不書盟。還不以盟告。榿勅

呈反九月公敗邾師于偃偃邾地冬十月壬午公

子友帥師敗莒師于鄆獲莒挈鄆魯地。挈莒子之弟。不書

弟者非卿。非卿則不應書。嘉季友之功。故特書其所獲。大夫生死皆曰獲。獲例在昭二十

三年。鄆力知反。女居反。又女加反。十有二月丁巳夫人氏

之喪至自齊僖公請而葬之。故告於廟。而書喪至也。齊侯既殺哀姜。以其尸

歸。絕之於魯。僖公請其喪而還。不稱姜。闕文。

傳元年春不稱即位公出故也國亂身出復入。故即位之

禮有闕公出復入不書諱之也諱國惡禮也掩惡

揚善。義存君親。故通有諱例。皆當時臣子率意而隱。故無深淺常準。聖賢從之。以通人理。

有時而聽諸侯救邢實大夫而曰諸侯。邢人潰。搃衆國之辭。邢人潰

出奔師奔聶北之師也。邢潰。不書。不告也。師遂逐狄人具邢

器用而遷之師無私焉皆撰具還之。無所私取。撰仕轉反夏

邢遷于夷儀諸侯城之救患也凡侯伯救患

分災討罪禮也侯伯州長也。分穀帛。又如字。秋楚人

伐鄭鄭即齊故也盟于鞏謀救鄭也鞏即榿也。地有

二名。洛。九月公敗邾師于偃虛丘之戍將歸

者也

虛丘。邾地。邾人既送哀姜還齊，人殺之。因成虛丘，欲以侵魯。公以義求齊，齊送

姜氏之喪，邾人懼，乃歸。故公要而敗之。虛起居反，要於遙反。冬，莒人來求

賂，公子友敗諸鄆，獲莒子之弟挈。非

卿也。嘉獲之也。莒既不能為魯討慶父，受魯之賂，而又重來，其求無厭，故

嘉季友之獲而書。公賜季友汶陽之田及費

汶陽田，汶水北地。汶水出泰山萊蕪縣，西入濟。費音祕。夫人氏之喪至

自齊，君子以齊人之殺哀姜也為已甚矣。女

子從人者也。言女子有三從之義，在夫家

經二年春，王正月，城楚丘。楚丘，衛邑。不言城，衛未遷。夏

五月辛巳，葬我小君哀姜。無傳。反哭成喪，故稱小君。例在定十

年。虞師晉師滅下陽。下陽，虢邑，在河東大陽縣。晉於此始赴見經。滅

例在襄十三年。秋九月，齊侯宋公江人黃

人盟于貫。貫，宋地。梁國蒙縣西北有貫城。貫與貫字相似。江國在汝南安陽縣

反。又音世。冬十月，不雨。傳在三年。楚人侵鄭

傳二年春，諸侯城楚丘而封衛焉。君死國滅，故傳言封

不書所會後也。諸侯既罷而魯後至，諱不及期，故以獨城為文。晉荀

息請以屈產之乘與垂棘之璧，假道於虞以

伐虢。荀，息荀叔也。屈地生良馬，垂棘出美玉。故以為名。四馬曰乘。自晉適虢，途出於

虞。故借道。屈求勿反。公曰。是吾寶也。對曰。又居勿反。乘繩證反。

若得道於虞。猶外府也。公曰。宮之奇存焉。宮

奇。虞忠臣。對曰。宮之奇之為人也。懦而不能強諫。

懦弱也。儒乃亂反。又乃貨反。強其良反。又其丈反。且少長於君。君暱

之。雖諫將不聽。親而狎之。必輕其言。少詩

乃使荀息假道於虞。曰。冀為不道。入自顛軫。

伐鄭三門。前是冀伐虞至鄭。鄭虞邑。河東大

反。冀之既病。則亦唯君故。將欲假道。故稱虞

疆。以說其心。冀國名。平陽皮氏縣東北有冀亭。今虢為不道。保於逆

旅。逆旅。客舍也。虢稍遣人分依客舍。以聚眾

以侵敝邑之南鄙。敢請假道。以請罪于虢。虢

何罪。以虞公許之。且請先伐虢。喜於厚賂。宮

之奇諫不聽。遂起師。夏。晉里克荀息帥師會

虞師伐虢。滅下陽。先書虞賄故也。

虞非倡兵之首。而先書之。惡貪賄也。秋。盟于貫。服江黃也。楚與

國也。始來服齊。齊寺人貂始漏師于多魚。寺

內奄官。豎貂也。多魚地名。齊桓多嬖寵。內

則如夫人者六人。外則幸豎貂易牙之等。終

以此亂國。傳言貂於此始擅貴寵。漏洩相

公軍事。為齊亂張本。寺如字。又音侍。虢

禧二年

左傳卷五

三

公敗我于桑田

桑田。號地。在弘農。陝縣東北。

晉卜偃曰。號

必亡矣。亡下。陽不懼。而又有功。是天奪之。鑿

鑿。所以自照。而益其疾也。

驕則生疾。

必易晉而不撫其

民矣。不可以五稔

稔。熟也。為下五年。晉滅。張本。易以豉反。

冬。

楚人伐鄭。鬬章囚鄭聃伯

經書。侵。傳言。伐。本。以。伐。與。權。行。侵。掠。

為後年楚伐鄭。鄭伯欲成。張本。聃乃甘反。掠音亮。

經三年春。王正月。不雨。夏四月。不雨。

一時不雨。則書。

首月。傳例曰。不。白。旱。不為災。

徐人取舒

無傳。徐國在下邳。僮縣東南。舒國今。

盧江舒縣。勝國而不用。大。師亦曰取。例在襄十三年。

六月雨

示旱不。竟夏。秋。

齊侯宋公江人黃人會于陽穀

陽穀。齊地。在東平須昌縣。

北。冬。公子友如齊。涖盟。

涖。臨也。音利。又音類。

楚人伐

鄭

傳三年春。不雨。夏六月。雨。自十月。不雨。至于

五月。不曰旱。不為災也。

周六月。夏四月。於播種五稼無損。

秋。

會于陽穀。謀伐楚也。

二年楚侵鄭。故。

齊侯為陽穀之

會來尋盟。冬。公子友如齊。涖盟。

公時不會。陽穀。故。齊侯自。

陽穀。遣人詣魯。求尋盟。魯使上卿詣齊。受盟。謙也。

楚人伐鄭。鄭伯欲

成。孔叔不可。曰。齊方勤我。

孔叔。鄭大夫。勤恤鄭難。

弃德。

不祥祥善也齊侯與蔡姬乘舟于囿蕩公蔡姬齊侯

夫人蕩搖也。囿苑也。蓋魚池在苑中。公懼變色禁之不可公怒

歸之未絕之也蔡人嫁之為明年齊侵蔡傳

經四年春王正月公會齊侯宋公陳侯衛侯

鄭伯許男曹伯侵蔡蔡潰民逃其上曰潰。例在文三年。遂

伐楚次于陘逐兩事之辭。楚強齊欲緩之以德。故不速進而次陘。陘楚地。潁川召陵縣南有陘亭。陘音刑。夏許男新臣卒未同盟而赴以名楚

屈完來盟于師盟于召陵屈完楚大夫也。楚子遣完如師以觀齊。屈完觀齊之盛因而求盟。故不稱使。以完來盟為文。齊桓退舍以禮楚。故盟召陵。召陵

潁川縣也。齊人執陳轅濤塗陳大夫秋及江人黃

人伐陳受齊命討陳之罪。而以與謀為文者。時齊不行。使魯為主。與謀例在宣七年。

年八月公至自伐楚無傳。告于廟。葬許穆公冬十

有二月公孫茲帥師會齊人宋人衛人鄭人

許人曹人侵陳公孫茲叔牙子。叔孫戴伯。

傳四年春齊侯以諸侯之師侵蔡蔡潰遂伐

楚楚子使與師言曰君處北海寡人處南海

唯是風馬牛不相及也楚界猶未至南海。因齊處北海。遂稱所近。

牛馬風逸。蓋未界之微事。故以取喻。不虞君之涉吾地也何故

之微事。故以取喻。不虞君之涉吾地也何故

之微事。故以取喻。不虞君之涉吾地也何故

管仲對曰昔召康公命我先君大公召康公周大保

顛也曰五侯九伯女實征之以夾輔周室五

諸侯九州之伯皆得征討其罪齊桓因此命以夸楚女音汝賜我先君履

東至于海西至于河南至于穆陵北至于無

棣穆陵無棣皆齊竟也履所踐履之界爾貢

包茅不入王祭不共無以縮酒寡人是徵包

王南征而不復寡人是問昭王成王之孫南

對曰貢之不入寡君之

罪也敢不共給昭王之不復君其問諸水濱

昭王時漢非楚竟故不受罪師進次于陘楚不服罪夏楚

子使屈完如師如陘之師師退次于召陵完

盟齊侯陳諸侯之師與屈完乘而觀之乘共

不穀同好如何言諸侯之好謙而自廣因求與

楚同好孤寡不穀諸侯謙稱為于偽反稱尺證反對曰君惠徼福於

敝邑之社稷辱收寡君寡君之願也齊侯曰

以此衆戰誰能禦之以此攻城何城不克對

曰君若以德綏諸侯誰敢不服君若以力楚

國方城以為城漢水以為池方城山在南陽葉縣南以言竟

土之遠漢水出武都至江夏南入江言其險固以當城池。徽古堯反。要也。葉始涉反。當

丁浪反。雖眾無所用之。屈完及諸侯盟。陳轅濤

塗謂鄭申侯曰師出於陳鄭之間國必甚病

申侯鄭大夫當有共給之費故若出於東方觀兵於東夷循

海而歸其可也東夷。邾。莒。徐。夷也。觀兵示威。申侯曰善濤

塗以告齊侯許之許出東方申侯見曰師老矣若

出於東方而遇敵懼不可用也若出於陳鄭

之間共其資糧罪獲其可也罪。草履也。見賢通反。罪符費反。

齊侯說與之虎牢還以鄭邑賜之執轅濤塗秋伐陳

討不忠也以濤塗為軍道許穆公卒于師葬之以

侯禮也男而以侯禮加一等凡諸侯薨于朝會加一等

諸侯命有三等。公為上等。侯伯中等。子男為下等。死王事加一等謂

死勤事。於是有以袞斂袞衣。公服也。謂加一等。斂力驗反。冬叔

孫戴伯帥師會諸侯之師侵陳陳成歸轅濤

塗陳服罪故歸其大夫戴謚也初晉獻公欲以驪姬為夫

人卜之不吉筮之吉公曰從筮卜人曰筮短

龜長不如從長

物生而後有象。象而後有滋。滋而後有數。龜象筮數。故象

長數短

且其繇曰專之渝攘公之瑜

繇。卜兆辭。渝。變也。攘。

除也。瑜。美也。言變乃除公之美。○

一薰一蕕

十年尚猶有臭

薰。香草。蕕。臭草。十年有臭。言善易消。惡難除。

必不

可弗聽立之生奚齊其娣生卓子及將立奚

齊既與中大夫成謀姬謂大子曰君夢齊姜

必速祭之

齊姜。大子母。言求食。卓吐濁反。

大子祭于曲沃

歸胙于公

胙。祭之酒肉。

公田姬寘諸宮六日公至

毒而獻之

毒酒。經宿輒敗。而經六日。明公之感。

公祭之地地墳

與犬犬斃與小臣小臣亦斃姬泣曰賊由大

子大子奔新城

新城。曲沃。墳。扶粉反。

公殺其傅杜原

款或謂大子子辭君必辯焉

以六日之狀自理。款。苦管反。

辯。免反。

大子曰君非姬氏居不安食不飽我辭

姬必有罪君老矣吾又不樂

吾自理則姬死。姬死則君必不

樂。不樂為由吾也。樂。音洛。

曰子其行乎大子曰君實不

察其罪被此名也以出人誰納我十二月戊

申縊于新城姬遂譖二公子曰皆知之重耳

奔蒲夷吾奔屈

二子時在朝。為明年晉殺申生。傳。被。皮寄反。又皮綺反。

一賜反 潛側鳩反

經五年春晉侯殺其世子申生

稱晉侯惡用讒書春從告

杞伯姬來朝其子

無傳伯姬來寧寧成風也朝其子者時子在十歲

左右因有諸侯子得行朝義而卒不成朝禮故繫於母而曰朝其子

夏公孫茲如牟

叔孫戴伯娶於牟卿非君命不

越竟故奉公命聘於牟因自為逆

公及齊侯宋公陳侯衛侯

鄭伯許男曹伯會王世子于首止

惠王太子鄭也

而殊會尊之也首止衛地 秋八月諸侯盟于

首止

間無異事復稱諸侯者王世子不盟故也王之世子尊與王同齊桓行霸翼戴

天子尊崇王室故殊貴世子

鄭伯逃歸不盟

逃其師而歸也逃例在文

楚人滅弦弦子奔黃

弦國在弋陽軹縣東南

九月戊

申朔日有食之

無冬晉人執虞公 虞公貪璧馬之寶距

絕忠諫稱人以執同於無道於其民之例例在成十五年所以罪虞且言易也晉侯脩虞

之祀而歸其職貢於王故不以滅同姓為譏

傳五年春王正月辛亥朔日南至

周正月今十一月冬

公既視朝遂登觀臺以望而書禮也

至之日日南極觀臺臺上構屋可以遠觀者視朝親告朔也觀臺臺上所始治歷者因此則可也朔旦冬至歷數之所始治歷者因此則可

以明其術數審別陰陽敘事訓民魯君不能常脩此禮故善公之得禮 觀古亂反 凡

分至啓閉必書雲物分春秋分也。至冬夏至也。啓立春立夏。閉立秋。

立冬。雲物。氣色。災變也。傳重申周典。不。言。公。者。曰。官。掌。其。職。重。直。用。反。爲備故

也。素察妖祥。逆爲之備。晉侯使以殺太子申生之故來

告。釋經必須。告。乃。書。初晉侯使士蔿爲二公子築蒲

與屈不慎。寘薪焉。不謹慎。爲于僞反。夷吾訴之。公使

讓之。謹讓之。士蔿稽首而對曰。臣聞之。無喪而

感憂必讎焉。讎猶對也。無戎而城。讎必保焉。保而守之。

寇讎之保。又何慎焉。守官廢命不敬。固讎之

保不忠。失忠與敬。何以事君。詩云。懷德惟寧。

宗子惟城。詩大雅。懷德以安。則宗子之固若城。君其脩德而固

宗子。何城如之。言城不如。固宗子。三年將尋師焉。焉

用慎。尋用也。退而賦曰。狐裘尫茸。一國三公。吾

誰適從。士蔿自作詩也。有茸。亂貌。公與二公子爲三。言城不堅。則爲公子所許。爲

公所讓。堅之。則爲固。讎不忠。無以事君。故及不知所從。尫莫江反。又音蒙。適丁歷反。

難。公使寺人披伐蒲。重耳曰。君父之命不校。

乃徇曰。校者吾讎也。踰垣而走。披斬其袪。遂

出奔翟。袪。袂也。翟。起魚反。難。乃旦反。夏。公孫茲如牟。

娶焉。因聘而娶。故。傳實其事。會于首止。會王太子鄭。謀

寧周也惠王以惠后故將廢太子鄭而立中王子帶故齊桓帥諸侯會王太子以定

其陳轅宣仲怨鄭申侯之反已於召陵宣仲位

塗故勸之城其賜邑齊桓所賜虎牢曰美城之大名

也子孫不忘吾助子請乃為之請於諸侯而

城之美樓櫓之備美設遂譖諸鄭伯曰美城其賜邑

將以叛也申侯由是得罪為七年鄭殺申侯傳秋諸侯

盟王使周公召鄭伯曰吾撫女以從楚輔之

以晉可以少安周公宰孔也王恨齊桓定大子之位故召鄭伯使叛齊也

晉楚不服於齊故以鎮安鄭鄭伯喜於王命而懼其不朝

於齊也故逃歸不盟孔叔止之曰國君不可

以輕輕則失親孔叔鄭大夫親黨援也失親患必

至病而乞盟所喪多矣君必悔之弗聽逃其

師而歸浪反楚鬪穀於菟滅弦弦子奔黃

於是江黃道柏方睦於齊皆弦姻也姻外親也道國

在汝南安陽縣南柏國名汝南西平縣有柏亭弦子恃之而不事楚

又不設備故止晉侯復假道於虞以伐虢宮

之竒諫曰虢虞之表也虢亡虞必從之晉不

可啓寇不可翫翫習也一之謂甚其可再乎為

年假晉道滅下陽 諺所謂輔車相依唇亡齒寒者其

虞虢之謂也。輔。頰輔。車牙車。車尺奢反。 公曰。晉吾宗也。

豈害我哉。對曰。大伯。虞仲。大王之昭也。大伯

不從。是以不嗣。大伯。虞仲。皆大王之子。不從。父命俱讓。適吳。仲雍支子。別

封西吳。虞公其後也。穆生昭。昭生穆。以世次計。故大伯虞仲於周為昭。昭上饒反。後昭

穆放。 虢仲。虢叔。王季之穆也。王季者。大伯虞仲之母弟也。仲。叔。皆虢君字。 為文王卿士。勲在

王室。藏於盟府。盟府。司盟之官。 將虢。是滅。何愛於虞。

且虞能親於桓莊乎。其愛之也。桓莊之族何

罪。而以為戮。不唯偏乎。桓叔。莊伯之族。晉獻公之從祖昆弟。獻公

患其偏。盡殺之。事在莊二十五年。偏。彼力反。 親以寵偏。猶尚害之。

況以國乎。公曰。吾享祀豐絜。神必據我。據。猶安也。

對曰。臣聞之。鬼神非人實親。惟德是依。故周

書曰。皇天無親。惟德是輔。周書。逸書。 又曰。黍稷非

馨。明德惟馨。馨。香之遠聞。又。如字。 又曰。民不易物。

惟德絜物。黍稷。牲玉。無德則不見饗。有德則見饗。言物一而異用。絜。烏兮反。

如是則非德。民不和。神不享矣。神所馮依。將

在德矣。若晉取虞。而明德以薦馨香。神其吐

之咎。

之乎弗聽許晉使宮之奇以其族行行去也

冰反曰虞不臘矣臘歲終祭名在此行也晉不更

舉矣不更八月甲午晉侯圍上陽上陽虢國都

陝縣東南問於卜偃曰吾其濟乎對曰克之公曰

何時對曰童謠云丙之晨龍尾伏辰龍尾尾星也

月之會曰辰日在尾故尾星伏不見均服振振取虢之旂戎事上下

同服振振盛貌鶉之賁賁天策焯焯火中成

軍虢公其奔鶉鶉火星也賁賁鳥星之體也

無光耀也言丙子平旦鶉火中軍事有成功也此已上皆童謠言也童齟之子未有念慮

之感而會成嬉戲之言似若有馮者其言或中或否博覽之士能懼思之人兼而志之以

為鑒戒以為將來之驗有益於世其九月十

月之交乎以星驗推之知九月十月之交謂

丙子曰日在尾月在策是夜日月合朔於尾月行疾故至旦而過

在策鶉火中必是時也冬十二月丙子朔晉滅

虢虢公醜奔京師不書不告也周十師還館

于虞遂襲虞滅之執虞公及其大夫井伯以

媵秦穆姬秦穆姬晉獻公女送而脩虞祀且

歸其職貢於王命祀故書曰晉人執虞公罪

虞且言易也易以

經六年春王正月夏公會齊侯宋公陳侯衛

侯曹伯伐鄭圍新城新城鄭新密今榮陽密縣秋楚人圍

許楚子不親圍諸侯遂救許皆伐鄭之諸侯

冬公至自伐鄭無傳

傳六年春晉侯使賈華伐屈夷吾不能守盟

而行賈華晉大夫非不欲校力將奔狄卻芮

曰後出同走罪也嫌與重耳同謀而相隨不

如之梁梁近秦而幸焉乃之梁以梁為秦所親幸秦既大

國且穆姬在焉夏諸侯伐鄭以其逃首止之

盟故也首止盟圍新密鄭所以不時城也實新

密而經言新城者鄭以非時與秋楚子圍許

以救鄭諸侯救許乃還冬蔡穆侯將許僖公

以見楚子於武城楚子退舍武城猶有忿志

君歸楚武城楚地在南許男面縛銜璧大夫

衰經士輿櫬縛手於後唯見其面以璧為贄

衰經。士雷反楚子問諸逢伯逢伯楚大夫對曰昔武

王克殷微子啓如是微子啓紂庶兄宋之祖也武王親釋

其縛受其璧而被之

被除凶之禮被芳弗反

焚其櫬禮

而命之使復其所楚子從之

經七年春齊人伐鄭夏小邾子來朝

無傳邾來始

得王命而來朝也邾之別封故曰小邾

鄭殺其大夫申侯

申侯鄭卿

專利而不厭故稱名以殺罪之也

秋七月公

會齊侯宋公陳世子款鄭世子華盟于甯母

高平方與縣東有泥母亭音如甯母如字又音無與音預泥乃麗反

曹伯班

卒

無傳五年同盟于首止

公子友如齊

無傳罷盟而冬聘謝不敏也

葬曹昭公

無傳

傳七年春齊人伐鄭孔叔言於鄭伯曰諺有

之曰心則不競何憚於病

競強也憚難也難乃旦反既

不能彊又不能弱所以斃也國危矣請下齊

以救國公曰吾知其所由來矣姑少待我

申侯對曰朝不及夕何以待君夏鄭殺申侯

以說于齊且用陳轅濤塗之譖也

濤塗譖在五年初

申侯申出也

姊妹之子為出

有寵於楚文王文王將

死與之璧使行曰唯我知女女專利而不厭

予取予求不女疵瑕也

從我取從我求我不以女為罪釁女音

汝後之人將求多於女謂嗣君也。求多以女禮義大望責之。

必不免我死。女必速行無適小國。將不女容

焉。政狹法峻。既葬出奔鄭。又有寵於厲公。子文聞

其死也。曰。古人有言曰。知臣莫若君。弗可改

也。已秋。盟于甯母。謀鄭故也。管仲言於齊侯

曰。臣聞之。招攜以禮。懷遠以德。攜。離也。德禮不

易。無人不懷。齊侯脩禮於諸侯。諸侯官受方

物。諸侯官司。各於齊受其方。所當貢天子之物。鄭伯使太子華聽

命於會。言於齊侯曰。洩氏孔氏子人氏三族

實違君命。三族。鄭大夫洩息列反。若君去之以為成。我

以鄭為內臣。君亦無所不利焉。以鄭事齊。如封內臣。

起呂反。齊侯將許之。管仲曰。君以禮與信屬諸

侯。而以姦終之。無乃不可乎。子父不奸之謂

禮。守命共時之謂信。守君命。共時事。奸音干。共音恭。違此

二者。姦莫大焉。公曰。諸侯有討於鄭。未捷。今

苟有釁。從之。不亦可乎。子華犯父命。是其釁隙。對曰。君

若綏之以德。加之以訓辭。而帥諸侯以討鄭。

鄭將覆亡之。不暇。豈敢不懼。若揔其罪人以

臨之

摠將領也。子華奸父之命。即罪人。

鄭有辭矣。何懼

以大義為

辭

且夫合諸侯以崇德也。會而列女。何以示

後嗣

列女。用子華。

夫諸侯之會。其德刑禮義。無國

不記。記姦之位

位。會位也。子華為姦人。而君列在會位。將為諸侯所記。君

盟替矣

替。廢也。

作而不記。非盛德也

君舉必書。雖復齊史

隱諱。亦損盛德。

君其勿許。鄭必受盟。夫子華既為大

子。而求介於大國。以弱其國。亦必不免

介。因也。

鄭有叔詹堵叔師叔三良為政。未可間也。齊

侯辭焉。子華由是得罪於鄭。冬。鄭伯使請盟

于齊

以齊侯不聽子華故。

閏月。惠王崩。襄王惡。大叔帶

之難

襄王。惠王太子鄭也。大叔帶。襄王弟。惠后之子也。有寵於惠后。惠后欲立之。未

及而懼不立。不發喪。而告難于齊

為八年盟。洮傳。

他刀反。

經八年春。王正月。公會王人。齊侯。宋公。衛侯。

許男。曹伯。陳世子款。盟于洮

王人與諸侯盟。不譏者。王室有

難故。洮。曹地。

鄭伯乞盟

新服。未與會。故不序列。別言乞盟。

夏。狄伐

晉。秋。七月。禘于大廟。用致夫人

禘。三年大祭之名。大廟。周

公廟。致者。致新死之主於廟。而列之。昭穆。夫人淫而與殺。不薨於寢。於禮不應致。故僖公

疑其禮。歷三禘。今果行之。嫌異常。故書之。冬十有二月丁未。

天王崩實以前年閏月崩。以今年十二月丁未告。

傳八年春盟于泚謀王室也鄭伯乞盟請服

也襄王定位而後發喪王人會泚還。晉里克

帥師梁由靡御虢射為右以敗狄于采桑傳

前年事也。平陽北屈縣西南有采桑津。射食亦反。梁由靡曰狄無恥

從之必大克不取走。故可逐。里克曰懼之而已無速

眾狄恐怨深而羣黨來報。虢射曰期年狄必至示之弱

矣音基。夏狄伐晉報采桑之役也復期月期明。

年之秋禘而致哀姜焉非禮也凡夫人不薨

于寢不殯于廟不赴于同不祔于姑則弗致

也寢小寢同。同盟將葬。又不以殯過廟。據經哀姜薨葬之文。則為殯廟赴同祔姑。今當

以不薨于寢不得致也。冬王人來告喪難故也是以緩

有大叔帶之難。宋公疾太子茲父固請曰目夷長且

仁君其立之茲父。襄公也。目夷。公命子魚子

魚辭曰能以國讓仁孰大焉臣不及也且又

不順立庶。不順禮。遂走而退

經九年春王三月丁丑宋公御說卒四同盟。御魚。

僖九年

左傳卷五

九

呂反說音悅

夏公會宰周公齊侯宋子衛侯鄭伯

許男曹伯于葵丘

周公宰孔也宰官周采地天子三公不字宋子襄公

也傳例曰在喪公侯曰子陳留外黃縣東有葵丘

秋七月乙酉伯姬

卒

無傳公羊穀梁曰未適人故不稱國已許嫁則以成人之禮書不復殤也婦人許嫁

而笄猶丈夫之冠

九月戊辰諸侯盟于葵丘

夏會葵丘次伯

姬卒文不相比故重言諸侯宰孔先歸不與盟

甲子晉侯僝諸卒

未同

盟而赴以名甲子九月十一日戊辰十五日也書在盟後從赴

僝九委反

冬晉

里克殺其君之子奚齊

獻公未葬奚齊未成君故稱君之子奚齊

受命繼位無罪故里克稱名

傳九年春宋桓公卒未葬而襄公會諸侯故

曰子凡在喪王曰小童公侯曰子

在喪未葬也小童者

童蒙幼末之稱子者繼父之辭公侯位尊上連王者下絕伯子男周康王在喪稱子一人

釗禮稱亦不言小童或所稱之辭各有所施此謂王自稱之辭非諸下所得書故經無其事傳通取舊典之文以事相接

之稱去聲釗古堯反又音昭夏會于葵丘

尋盟且脩好禮也王使宰孔賜齊侯胙

胙祭肉

之比二曰天子有事于文武

有祭事也使孔賜伯

舅胙

天子謂異姓諸侯曰伯舅

齊侯將下拜孔曰且有後

命天子使孔曰以伯舅耆老加勞賜一級無

下拜七十曰羞。級等也。一他結反。勞力報反。對曰。天威不

違顏咫尺言天鑒察不遠。威嚴常。八寸曰咫。小白余敢

貪天子之命。無下拜小白。齊侯名。余身也。恐隕越于下

隕越顛墜也。據天王居上。故言恐顛墜于下。以遺天子羞。敢不下

拜。下拜登受拜堂下。受昨於堂。遺于季反。秋。齊侯盟諸

侯于葵丘。曰。凡我同盟之人。既盟之後。言歸

于好義取脩好。故傳顯其盟辭。宰孔先歸既會先諸侯去。先諸悉薦反。

遇晉侯。曰。可無會也晉侯欲來會葵丘。齊侯不務德

而勤遠略。故北伐山戎在莊三十一南伐楚在四

西為此會也。東略之不知。西則否矣言或向西略。能復。

其在亂乎。君務靖亂。無勤於行在存也。微戒獻。

將有亂公言晉將有亂。晉侯乃還不復會齊。九月。晉獻公卒。里克

不鄭。欲納文公。故以三公子之徒作亂不鄭。晉大

夫。三公子。申生。重耳。夷吾。不。普悲反。初。獻公使荀息傅奚齊。

公疾。召之。曰。以是藐諸孤言其幼賤。與諸子。縣藐。藐。妙。小反。

辱在大夫。其若之何欲屈辱荀息。使保護之。稽首

而對曰。臣竭其股肱之力。加之以忠貞。其濟

君之靈也。不濟。則以死繼之。公曰。何謂忠貞。

對曰公家之利知無不為忠也。送往事居耦俱無猜貞也。往死者居生者耦兩也。送死及事生兩無疑恨所謂正也。

里克將殺奚齊先告荀息曰三怨將作。三公

徒秦晉輔之子將何如荀息曰將死之里克

曰無益也荀叔曰吾與先君言矣不可以貳

能欲復言而愛身乎。荀叔荀息也復言言可復也。雖無益

也將焉辟之且人之欲善誰不如我我欲無

貳而能謂人已乎。言不能止里克使冬十月不忠於申生等。

里克殺奚齊于次。次喪書曰殺其君之子未

葬也荀息將死之人曰不如立卓子而輔之

荀息立公子卓以葬十一月里克殺公子卓

于朝荀息死之君子曰詩所謂白圭之玷尚

可磨也斯言之玷不可為也。詩大雅言此言之缺難治甚於

白圭。玷。丁。簞。反。又丁念反。荀息有焉。有此詩人重言之義。齊侯以

諸侯之師伐晉及高粱而還討晉亂也。高粱晉地。

在平陽縣西南。令不及魯故不書。前已發不書例。今復重發嫌霸者異

於凡諸侯。晉卻芮使夷吾重賂秦以求入。卻芮。克祖父。

從夷吾者。曰人實有國我何愛焉。言國非已之有。

何愛而不入而能民土於何有從之能得民不以患無

生齊隰甥帥師會秦師納晉惠公隰甥齊大夫惠公夷

吾秦伯謂卻芮曰公子誰恃對曰臣聞亡人

無黨有黨必有讎言夷吾無黨無黨則無夷

吾弱不好弄弄戲也能鬪不過有節制長亦不改

不識其他公謂公孫枝曰夷吾其定乎公孫枝秦

大夫子桑也對曰臣聞之唯則定國詩曰不識不

知順帝之則文王之謂也詩大雅帝天也則法也言文王闇行

自然合天之法又曰不僭不賊鮮不為則僭過差也賊傷害也

皆忌克也。能不然則可為人法則。鮮息淺反無好無惡不忌不克

之謂也今其言多忌克既僭而賊難哉言能自公

曰忌則多怨又焉能克是吾利也其言雖多忌適足以

自害不能勝人也秦伯慮其還害已故曰是吾利宋襄公即位以公

子目夷為仁使為左師以聽政於是宋治故

魚氏世為左師

經十年春王正月公如齊無狄滅温温子奔

衛蓋中國之狄滅而居其土地晉里克弒其君卓及其大

夫荀息弒卓在前年而以今春書者從赴也

獻公既葬卓已免喪故稱君也荀息

稱名者。雖欲復言。本無遠謀。從君於昏。夏齊侯許男伐北戎。無

北伐晉殺其大夫里克。奚齊者。先君所命。卓子。又在國嗣位。罪

未為無道。而里克親為三怨之主。累弑二君。故稱名以罪之。秋七月。冬大

雨雪。無傳平地尺為大。雪。雨于付反。

傳十年春。狄滅溫。蘇子無信也。蘇子叛王。即

狄。又不能於狄。狄人伐之。王不救。故滅蘇子。

奔衛。蘇子。周司寇蘇公之後也。國於溫。夏四

月。周公忌父。王子黨會齊隰朋。立晉侯。周公

周卿士。王子黨。周大夫。晉侯殺里克。以說。自解說。將殺

里克。公使謂之曰。微子則不及此。雖然。子弑

二君。與一大夫。為子君者。不亦難乎。對曰。不

有廢也。君何以興。欲加之罪。其無辭乎。言欲

罪。不患無辭。臣聞命矣。伏劍而死。於是平鄭聘于

秦。且謝緩賂。故不及。平鄭。里克黨。以在秦。故不及。里克俱死。晉

侯改葬共太子。共。音恭。大。音泰。秋。狐突適

下國。下國。曲沃新城。遇太子。太子使登僕。忽如夢而相見。狐突

本為申生御。故復使登車為僕。而告之曰。夷吾無禮。余得請

於帝矣。請罰夷吾。將以晉畀秦。秦將祀余。對曰。臣

聞之神不歆非類。民不祀非族。君祀無乃殄乎。歆。饗也。殄。絕也。且民何罪。失刑之祀。君其圖之。君

曰諾。吾將復請。七日。新城西偏。將有巫者。而

見我焉。新城。曲沃也。將。因巫而見。許之。遂不見。狐突許其言。申生之

象亦沒。見賢。及期而往。告之曰。帝許我罰

有罪矣。敝於韓。敝。敗也。韓。晉地。獨敝。惠公。故夷。吾忌克多怨。終於失國。雖改葬加謚。申生猶忿。傳言鬼神所馮。有時而信。平鄭

之如秦也。言於秦伯曰。呂甥卻稱冀芮實為

不從。若重問以召之。三子。晉大夫。不從。不與秦賂。問。聘。問之幣。稱

尺證反。又如字。臣出晉君。君納重耳。蔑不濟矣。蔑。無也。

冬。秦伯使泠至報問。且召三子。泠。至。秦大夫。泠。力。丁反。

卻芮曰。幣重而言甘。誘我也。遂殺平鄭。祁舉

祁舉。晉大夫。及七輿大夫。侯伯七命。副車七乘。左行共華。右

行賈華。叔堅。驪歛。纍虎。特宮。山祁。皆里平之

黨也。七子。七輿大夫。行。戶。剛反。共。音。恭。驪。音。佳。歛。市。專反。纍。力。追反。平豹

奔秦。平豹。平鄭之子。言於秦伯曰。晉侯背大主而忌

小怨。民弗與也。伐之必出。大主。秦也。小怨。里平。公曰。失

衆焉能殺。謂殺里平之黨。違禍誰能出君。謂豹避禍也。為明年

左傳卷五 二五

晉殺平鄭傳

經十有一年春晉殺其大夫平鄭父以私怨謀亂國

書名罪之夏公及夫人姜氏會齊侯于陽穀

書春從告無傳婦人送迎不出門見兄弟不踰閭與公俱會齊侯非禮秋八

月大雩無傳過冬楚人伐黃

傳十一年春晉侯使以平鄭之亂來告釋經書在

天王使召武公內史過賜晉侯命天子周

過歸告王曰晉侯其無後乎王賜之命而惰

於受瑞先自弃也已其何繼之有禮國之幹

也敬禮之輿也不敬則禮不行禮不行則上

下昏何以長世為惠公不終張本夏揚拒

泉臯伊維之戎同伐京師入王城焚東門揚拒

泉臯皆戎邑及諸雜戎居伊水雒水之間者今伊闕北有泉亭拒俱字反王子

帶召之也王子帶甘昭公也秦晉伐我以救

周秋晉侯平戎于王為二十四年天黃人不

歸楚貢冬楚人伐黃黃人恃

經十有二年春王三月庚午日有食之無傳不書

朔官失之夏楚人滅黃秋七月冬十有二月丁丑

陳侯杵臼卒

無傳遺世子與僖公同盟甯母及洮曰其九反

傳十二年春諸侯城衛楚丘之郛懼狄難也

楚丘衛國都郛郭也為明年春秋狄侵衛傳郭芳夫反難乃且反

黃人恃諸

侯之睦于齊也不共楚職曰自郢及我九百

里焉能害我夏楚滅黃

郢楚都音恭

王以我難

故討王子帶

子帶前年召我伐周

秋王子帶奔齊冬齊

侯使管夷吾平戎于王使隰夙平戎于晉

和平

也前年晉救周伐戎故戎與周晉不和

王以上卿之禮饗管仲

管仲辭曰臣賤有司也有天子之二守國高

在

國子高子天子所命為齊守臣皆上卿也莊二十二年高偃始見經僖二十八年國

歸父乃見傳歸父之父曰懿仲高偃之子曰莊子不知今當誰世守手又反若節

春秋來承王命何以禮焉

節時

陪臣敢辭

之臣曰陪臣王曰舅氏

伯舅之使故曰舅氏

余嘉乃勲應乃

懿德謂督不忘往踐乃職無逆朕命

功勲美德可謂

正而不可忘者不言位而言職者管仲位卑而執齊政故欲以職尊之

管仲受

下卿之禮而還

管仲不敢以職自禮卒受本位之禮

君子曰管

氏之世紀也宜哉讓不忘其上詩曰愷悌君

子神所勞矣

詩大雅。愷樂也。悌易也。言樂易君子為神所勞來。故世祀也。管

仲之後於齊。及不復見。傳亦舉其無驗。愷開在反。悌音弟。勞力報反。來力代反。

經十有三年。春。狄侵衛。傳在前夏。四月。葬陳

宣公。無傳公會齊侯。宋公。陳侯。衛侯。鄭伯。許男

曹伯。于鹹。鹹衛地。東郡濮陽縣東南有鹹城。秋。九月。大雩。無傳

書過冬。公子友如齊。無傳

傳十三年。春。齊侯使仲孫湫聘于周。且言王

子帶。前年王子帶奔齊。言欲復之。事畢。不與王言。不三言子帶事。

歸。復命曰。未可。王怒未怠。其十年乎。不十年。

王弗召也。夏。會于鹹。淮夷病杞故。且謀王室

也。秋。為我難故。諸侯戍周。齊仲孫湫致之。戍守也。致諸侯戍卒于周。

為干僞反。難乃旦反。冬。晉荐饑。麥禾皆不熟。荐在

薦反。使乞糴于秦。秦伯謂子桑與諸乎。對曰。重

施而報。君將何求。言不損秦。施式鼓反。重施而不報。

其民必攜。攜而討焉。無眾必敗。不義故。謂百

里與諸乎。百里秦大夫。對曰。天災流行。國家代有。

救災恤鄰。道也。行道有福。平鄭之子豹在秦。

請伐晉。欲為父報怨。秦伯曰。其君是惡。其民何罪。

秦於是乎輸粟于晉。自雍及絳相繼。雍秦國都。絳晉都。

國都。雍於用反。命之曰汎舟之役。從渭水運入河汾。

經十有四年春，諸侯城緣陵。緣陵杞邑。辟淮夷。遷都于緣陵。

夏六月，季姬及鄆子遇于防，使鄆子來朝。季姬魯女。鄆子本無朝志。為季姬所召而來。故言使鄆子來朝。鄆國今琅邪鄆縣。

鄆似秋八月辛卯，沙鹿崩。沙鹿山名。平陽元城縣東有沙鹿土

山。在晉地。災害繫於所災所害。故不繫國無傳。未同盟而赴以名。狄侵鄭，鄭無冬。蔡侯肸卒。

傳十四年春，諸侯城緣陵而遷杞焉，不書其

人有闕也。闕謂器用不具。城池未固而去。為夫不書。而國別稱人。今此摠曰諸侯。君臣之辭。不言城杞。杞未遷也。澶市然反。

季姬來寧，公怒，止之，以鄆子之不朝也。來寧不書。

而後年書歸鄆，更嫁之，文也。明公絕鄆昏。既來朝而還。還戶關反。夏，遇于防。

而使來朝。秋八月辛卯，沙鹿崩。晉卜偃曰：期

年將有大咎，幾亡國。國主山川。山崩川竭。亡國之徵。期音基。咎其

九反。幾音祈。又音機。冬，秦饑，使乞糴于晉。晉人弗與。慶

鄭曰：背施無親。慶鄭音大夫。背音佩。施式豉反。幸災不仁。

貪愛不祥，怒鄰不義，四德皆失，何以守國？虢

射曰皮之不存毛將安傅以喻射。惠公舅也。皮以喻所許秦城。毛與之糴。猶無皮而施毛。

信背鄰患孰恤之無信患作失援必斃是則與之糴。猶無皮而施毛。傳音附。

然矣號射曰無損於怨而厚於寇不如勿與言與秦粟不足解怨。適足使秦強。

也近猶讎之況怨敵乎弗聽退曰君其悔是慶鄭曰背施幸災民所弃

哉也。例在文十五年。

經十有五年春王正月公如齊無傳。諸侯五年再相朝。禮也。

楚人伐徐三月公會齊侯宋公陳也。例在文十五年。

侯衛侯鄭伯許男曹伯盟于牡丘牡丘地。名。闕。

次于匡匡。衛地。在陳留長垣縣西南。

公孫敖帥師及諸侯公孫敖。慶父之子。諸侯既盟。次之大夫救徐。匡皆遣大夫將兵救徐。故不復具列國別也。

夏五月日有食之秋七月齊師曹師伐厲。厲。楚與國。義陽隨縣北有厲鄉。

八月螽無傳。為災。

九月公至自會。無傳。來寧不書。此書者。以明中絕。中丁仲反。

如已卯晦震夷伯之廟夷伯。魯大夫展氏之祖父。夷謚。伯字。

冬宋人伐曹楚人敗徐于婁震者。雷電擊之。大夫既卒。書字。

林婁。林。徐地。下邳。僮縣東。南有婁亭。

十有一月壬戌晉婁力侯反。

三十一

侯及秦伯戰于韓獲晉侯

例得大夫曰獲晉侯背施無親復諫

違卜故貶絕下從眾臣之例而不言以歸不書敗績晉師不大崩。復皮逼反

傳十五年春楚人伐徐徐即諸夏故也三月

盟于牡丘尋葵丘之盟且救徐也

葵丘盟在九年孟

穆伯帥師及諸侯之師救徐諸侯次于匡以

待之夏五月日有食之不書朔與日官失之

也秋伐厲以救徐也晉侯之入也秦穆姬屬

賈君焉

晉侯入在九年穆姬申生姊秦穆夫人賈君晉獻公次妃賈女也。屬音

燭且曰盡納羣公子

羣公子晉武獻之族宣二年傳曰驪姬之亂詛

無畜羣公子晉侯悉於賈君又不納羣公子

是以穆姬怨之晉侯許賂中大夫

中大夫國內執政里

等既而皆背之賂秦伯以河外列城五東盡

虢略南及華山內及解梁城既而不與

也東盡虢略從河南而東盡虢界也解梁城今河東解縣也華山在弘農華陰縣西南。

解音晉饑秦輸之粟秦饑晉閉之糴

四故秦伯伐晉卜徒父筮之吉

徒父秦之掌龜卜者卜人

而用筮不能通三易之占涉河侯車敗詰之

故據其所見雜占而言之秦伯之軍涉河則晉侯車敗也秦伯對曰乃

不解謂敗在己故詰之。詰起吉反對曰乃

大吉也。三敗必獲晉君。其卦遇蠱。巽下

蠱曰。千乘三去。三去之餘。獲其雄狐。夫狐蠱。

必其君也。於周易。利涉大川。往有事也。亦秦

雜辭。以狐蠱為君。其義欲以喻晉惠公。其蠱

象未聞。去起居反。又起據反。一起呂反。之貞。風也。其悔。山也。內卦為貞。外卦為悔。巽

歲云秋矣。我落其實。而取其材。所以克也。周

月。夏之七月。孟秋也。艮為山。山有木。今歲落材亡。不敗何待。三敗及韓。晉侯車晉侯謂

慶鄭曰。寇深矣。若之何。對曰。君實深之。可若

何。公曰。不孫。卜。右。慶鄭吉。弗使。惡其不孫。不

夷。吾之多忌。孫音遜。步揚御戎。家僕徒為右。步揚。郤

乘小駟。鄭入也。鄭所獻馬。名小駟。慶鄭曰。古者大事。

必乘其產。生其水土。而知其人心。安其教訓。

而服習其道。唯所納之。無不如志。今乘異產。

以從戎事。及懼而變。將與人易。變易。人意。亂氣狡。

憤。陰血周作。張脉僨興。外彊中乾。狡。戾也。僨

憤於外。則血脉必周身而作。隨氣張動。外雖

有彊形。而內實乾竭。憤扶粉反。張中亮反。進退不可。周旋不能。君必悔之。弗聽。九

問反。

月。晉侯逆秦師。使韓簡視師。韓簡。晉大夫。韓萬之孫。復

曰。師少於我。鬪士倍我。公曰。何故。對曰。出因

其資。謂奔梁。求秦。入用其寵。為秦所納。饑食其粟。三施

而無報。是以來也。今又擊之。我怠秦奮。倍猶

未也。公曰。一夫不可狃。況國乎。狃。怙也。言辟秦則使怙來。

施。式示反。怙。時世反。又時設反。遂使請戰。曰。寡人不佞。能

合其衆而不能離也。君若不還。無所逃命。秦

伯使公孫枝對曰。君之未入。寡人懼之。入而

未定列。猶吾憂也。列。位也。苟列定矣。敢不承命。

韓簡退曰。吾幸而得囚。得囚為幸。言必敗。壬戌。戰于

韓原。九月十日。三日。晉戎馬還。寧而止。寧。泥也。還。便旋也。小駟不

調。故隋泥中。乃定反。隋。大果反。公號慶鄭。慶鄭曰。復諫違

下。復。戾也。號。戶刀反。又戶報反。固敗是求。又何逃焉。遂去

之。梁由靡御韓簡。虢射為右。輅秦伯將止之。

輅。迎也。止。獲也。輅。五嫁反。鄭以救公誤之。遂失秦伯。秦

獲晉侯以歸。經書十一月。壬戌。十四日。經從赴。晉大夫反首

拔舍從之。反首。亂頭髮下垂也。拔。草舍。秦伯止。壞形毀服。拔。蒲未反。秦伯

使辭焉。曰。二三子何其慙也。寡人之從君而

西也。亦晉之妖夢是踐。豈敢以至。

狐突不寐而與神言。

故謂之妖夢。申生言帝許罰有罪。今將晉君而西。以厭息此語。踐。厭也。厭於冉反。又於

輒晉大夫三拜稽首曰。君復后土而戴皇天。

皇天后土實聞君之言。羣臣敢在下風。穆姬

聞晉侯將至。以天子筮弘與女簡璧登臺而

履薪焉。筮。康公名。弘。其母弟也。簡璧。筮弘姊。穆姬欲自罪。故登臺而荐之。以薪。左右使以

上下者皆履柴乃得通。免服衰經逆且告。免。衰。經。遭喪之服。令行人

恥辱自殺。曰。上天降災使我兩君

匪以玉帛相見。而以興戎。若晉君朝以入。則

婢子夕以死。夕以入。則朝以死。唯君裁之。乃

舍諸靈臺。在京兆鄠縣。周之故臺。亦大夫請

以入。公曰。獲晉侯。以厚歸也。既而喪歸焉。用

之。君將晉侯入。則大夫其何有焉。何有猶且

晉人感憂以重我。謂反首天地以要我。不圖

晉憂重其怒也。我食吾言。背天地也。食。消也。重。直

用重怒難任。背天不祥。必歸晉君。任。當也。

公子繫曰。不如殺之。無聚慝焉。公子繫。秦大

夫。恐夷吾歸。

復相聚為惡。張執反。隱他得反。子桑曰：歸之而質其犬子。

必得大成。晉未可滅而殺其君，祇以成惡。通祇。

也。質音支。且史佚有言曰：無始禍。史佚，周武王時大史。

無怙亂。恃人亂為已利。無重怒，重怒難任。陵人不

祥，乃許晉平。晉侯使郤乞告瑕呂飴甥，且召

之。郤乞，晉大夫也。瑕，呂飴甥，即呂甥也。蓋姓瑕，呂，名飴甥，字子金。晉侯聞秦將許之，平。

故告呂甥，召使子金教之言曰：朝國人而以

君命賞。先賞之於朝。且告之曰：孤雖歸辱

社稷矣，其卜貳圉也。貳，代也。圉，惠公犬子懷公。衆皆哭。哀君。

不還。晉於是乎作爰田。分公田之稅，應入公者爰之於所賞之衆。

呂甥曰：君亡之不恤，而羣臣是憂，惠之至也。

將若君何？衆曰：何為而可？對曰：征繕以輔孺

子。征，賦也。繕，治也。孺，子犬子圉。諸侯聞之，喪君有君，羣臣

輯睦，甲兵益多。好我者勸，惡我者懼，庶有益

乎。衆說，晉於是乎作州兵。五黨為州，州二千五百家也。因此又

使州長各繕甲兵。喪息。初，晉獻公筮嫁伯

姬於秦，遇歸妹。允下震。之睽。允下離上。

睽，歸妹上六。史蘇占之，曰：不吉。史蘇，晉卜筮之史。其

繇曰士刳羊亦無益也女承筐亦無貺也周

歸妹上六爻辭也。益血也。貺賜也。刳羊士之功。承筐女之職。上六無應。所求不獲。故下卦

無血。上承無實。不吉之象也。離為中女。震為長男。故稱士女。繇直救反。到苦圭反。益音

荒。仲反。丁。西鄰責言不可償也。將嫁女於西。而遇不吉之卦。故

知有責讓之言。不可報償。鄰責歸妹之睽。音債。又如字。償市亮反。又音常。歸妹之睽。

猶無相也。歸妹女嫁之卦。睽乖離之象。故震

之離亦離之震。二卦變而為雷為火。為羸敗

姬。羸秦姓。姬晉姓。震為雷。離為火。火動熾而

車說其輶。火焚其旗。不利行師。敗于宗丘。

輶。車下縛也。丘猶邑也。震為車。離為火。上六

爻在震則無應。故車脫輶。在離則失位。故火

焚旗。言皆失車火之用也。車敗旗焚。故不利

行師。火還害母。故敗不出國。近在宗邑。說

吐活反。輶音歸妹睽孤。寇張之弧。此睽上九

福。又音服。睽之極。故曰睽孤。失位孤絕。故遇

寇難。而有弓矢之警。皆不吉之象。姪其從姑

震為木。離為火。火從木生。離為震妹。於火為

姑。謂我姪者。我謂之姑。謂子圍質秦。姪待

結反。字林。六年其逋。逃歸其國。而奔其家。也。家。謂子圍婦懷。明年其死於高梁之虛。

嬴。逋補吾反。死之明年。文公入。殺懷公于高梁。高梁。晉地。在平陽楊氏縣西南。凡筮者用周易。則其象

可推。非此而往。則臨時占者。或取於象。或取

於氣。或取於時。日壬相。以成其占。若盡附會

以爻象。則構虛而不經。故略言其歸趣。他皆放此。○虛去魚反。王于況反。相息亮反。

惠公在秦。曰：先君若從史蘇之占，吾不及此。

夫韓簡侍，曰：龜象也。筮數也。物生而後有象。

象而後有滋，滋而後有數。先君之敗德及可。

數乎？史蘇是占，勿從，何益？言龜以象示，筮以數告。象數相因而

生。然後有占。占所以知吉凶。不能變。吉凶。故先君敗德。非筮數所生。雖復不從。史蘇不能

益禍。○夫音扶。先君之敗德及。絕句。可數乎。一讀及。可數乎。數色主反。復扶又反。

曰：下民之孽，匪降自天，傅沓背憎，職競由人。

詩小雅。言民之有邪惡。非天所降。傅沓。面語。背相憎疾。皆人競所主作。因以諷諫。惠公有

以召此禍也。○傳尊本反。震夷伯之廟，罪之也。於是展氏

有隱慝焉。隱惡。非法所得。尊貴罪所不加。是以聖人因天地之變。自然之妖。以

感動之。知達之主。則識先聖之情。以自厲。中下之主。亦信妖祥。以不妄。神道助教。唯此為

深。○知音智。冬，宋人伐曹，討舊怨也。莊十四年。曹與諸侯伐宋

楚敗徐于婁林，徐恃救也。恃齊救。十月，晉陰飴

甥會秦伯盟于王城。陰飴甥。即呂甥也。食采於陰。故曰陰飴甥。王城。

秦地。馮翊臨晉縣東。有王城。今名武鄉。秦伯曰：晉國和平，對曰：

不和。小人恥失其君，而悼喪其親。痛其親為秦所殺。

不憚征繕，以立圉也。曰：必報讎，寧事戎狄。君

子愛其君而知其罪。不憚征繕以待秦命。曰：必報德。有死無二。以此不和。秦伯曰：國謂君何？對曰：小人惑，謂之不免。君子恕，以為必歸。小人曰：我毒秦，秦豈歸君？毒，謂三施不報。君子曰：我知罪矣。秦必歸君，貳而執之，服而舍之，德莫厚焉。刑莫威焉。服者懷德，貳者畏刑。此一役也。言還惠公，使諸侯威服，復可當一事之功。舍，如字。又音捨，還音環。秦可以霸，納而不定，廢而不立，以德為怨。秦不其然。秦伯曰：是吾心也。改館晉侯饋七牢焉。牛羊豕各

一為蛾析謂慶鄭曰：盍行乎？蛾析，晉大夫也。一牢，牛、羊、豕各一。

五何對曰：陷君於敗，謂呼不往，誤。晉師失秦伯。敗而不死，

又使失刑，非人臣也。臣而不臣，行將焉入。十

一月，晉侯歸。丁丑，殺慶鄭而後入。丁丑，月二十九日。

是歲，晉又饑，秦伯又餼之粟。曰：吾怨其君而

矜其民，且吾聞唐叔之封也。箕子曰：其後必

大，晉其庸可冀乎？唐叔，晉始封之君。武王之

之庶克。許氣反。姑樹德焉，以待能者。於是秦始征

晉河東，置官司焉。征，賦也。

春秋經傳集解僖公上第五

春秋經傳集解僖公中第六

杜氏

盡二十六年

經十有六年春王正月戊申朔隕石于宋五

隕。落也。聞其隕。視之。石數之五。各隨其聞。見先後而記之。莊七年。星隕如雨。見星之隕。而隊於四遠。若山若水。不見在。地之驗。此則見在。地之驗。而不見。始隕之星。史各據事而書。

○數色主反。是月六鷁退飛過宋都。是月。隕。石之月。

重言是月。嫌同日。鷁。水鳥。高飛。遇風而退。宋人以爲災。告於諸侯。故書。○鷁。五歷反。過。古。

禾反。重。直用反。三月壬申。公子季友卒。無傳。稱字者。貴之。公與小。

夏四月丙申。鄆季姬卒。無傳。似陵反。○鄆。秋。七。

三傳卷六

龍門

僖十六年

左傳卷六

晉書卷六

月甲子公孫茲卒傳無冬十有二月公會齊侯

宋公陳侯衛侯鄭伯許男邢侯曹伯于淮淮臨

郡左

傳十六年春隕石于宋五隕星也但言星則嫌星使石

隕故重六鷁退飛過宋都風也六鷁遇迅風而退飛風高

不為物害故周內史叔興聘于宋宋襄公問

焉曰是何祥也吉凶焉在祥吉凶之先見者襄公以為石隕鷁

退能為禍福之始故問其所在對曰今茲魯多大喪今茲明此歲

年齊有亂君將得諸侯而不終魯喪齊亂宋襄公不終別

以政刑吉凶他占知之退而告人曰君失問是陰陽之

事非吉凶所生也言石隕鷁退陰陽錯逆所為非人所生襄公不知陰

陽而問人事故曰君失問叔興自以對吉凶

曰人吾不敢逆君故也積善餘慶積惡餘殃故曰吉凶由人君問

吉凶不敢逆之故假他占以對夏齊伐厲不克救徐而還五

年齊伐厲以救徐秋狄侵晉取狐廚受鐸涉汾及昆

都因晉敗也狐廚受鐸昆都晉二邑平陽臨汾縣西北有狐谷亭汾水出大

原河南入河王以戎難告于齊齊徵諸侯而戍周十

年戎伐京師以冬十一月乙卯鄭殺子華終

左傳卷六 二

僖十七年

左傳卷六

仲之言事 十二月會于淮。謀郟。且東略也。郟在七年。

淮夷所 城郟。役人病。有夜登丘而呼曰：齊有病故。

亂不果。城而還。役人遇厲氣。不堪久駐。故作妖言。呼火故反。還音旋。

經十有七年。春。齊人徐人伐英氏。夏。滅項。項國。

今汝陰項縣。公在會。別遣師滅項。不言師。諱之。 秋。夫人姜氏會齊侯

于卞。卞。今魯國卞縣。皮彥反。 九月。公至自會。公既見執于齊。

猶以會致者。諱之。 冬。十有二月。乙亥。齊侯小白卒。與僖公八同盟。

傳十七年。春。齊人為徐伐英氏。以報婁林之

役也。英氏。楚與國。婁林。役在十五年。 夏。晉大子圉為質於秦。

秦歸河東而妻之。秦征河東置官。司。在十五年。 惠公之在

梁也。梁伯妻之。梁嬴孕過期。過。十月不產。懷子。曰孕。過古

禾反。 卜招父與其子卜之。卜。招父。梁大卜。招上遙反。 其子

曰。將生一男一女。招曰。然。男為人臣。女為人

妾。故名男曰圉。女曰妾。圉。養馬者。不聘曰妾。 及子圉西

質。妾為宦女焉。宦。事秦。為妾。 師滅項。師。魯。 淮之會。

公有諸侯之事。未歸而取項。淮會在前年冬。諸侯之事。會同。

講禮之事。 齊人以為討而止。公。內諱執。 秋。聲姜以

之。

左傳卷六

三

公故會齊侯于卞聲姜。僖公夫人。齊女。九月公至書曰

至自會猶有諸侯之事焉且諱之也取見執。故託會。

以告廟。齊侯之夫人三王姬徐嬴蔡姬皆無子

齊侯好內多內寵內嬖如夫人者六人長衛

姬生武孟武孟。公子無虧。好呼報反。少衛姬生惠公公子

元鄭姬生孝公昭公子葛嬴生昭公潘公子密姬

生懿公商人公子宋華子生公子雍華氏之女。子姓。華戶化。

反。公與管仲屬孝公於宋襄公以為太子雍

巫有寵於衛共姬因寺人貂以薦羞於公雍巫。

雍人名巫。即易牙。屬音燭。共音恭。亦有寵公許之立武孟易牙

既有寵於公。為長。衛姬請立武孟。管仲卒五公子皆求立冬

十月乙亥齊桓公卒乙亥月八日易牙入與寺人

貂因內寵以殺羣吏內寵。內官之。有權寵者。而立公子

無虧孝公奔宋十二月乙亥赴辛巳夜殯六

七日乃殯。

經十有八年春王正月宋公曹伯衛人邾人

伐齊納孝公。夏師救齊無傳。五月戊寅宋師及齊

師戰于廩齊師敗績無虧既死。曹衛邾先去。魯亦罷歸。故宋師獨與。

齊戰。不稱宋公。不親戰也。大崩曰敗績。狄救

齊無傳。救四秋八月丁亥葬齊桓公十一月

故。八月無。冬。邢人狄人伐衛。辭。傳無義例。

傳十八年春宋襄公以諸侯伐齊三月齊人

殺無虧以說宋。如字。鄭伯始朝于楚。霸故。

楚子賜之金既而悔之與之盟曰無以鑄兵

故以鑄三鐘古者以銅為兵。傳齊人將

立孝公不勝四公子之徒遂與宋人戰無虧

立故曰四公子。勝。夏五月宋敗齊師于麇。立

孝公而還秋八月葬齊桓公孝公立而冬邢

人狄人伐衛圍蒺圃衛侯以國讓父兄弟

及朝衆曰苟能治之燬請從焉燬。衛文公名

衆不可不聽。衛而後師于訾婁陳師訾婁。訾

子斯反。婁。郎。句。狄師還。獨言狄還。則邢留距

所梁伯益其國而不能實也多築城邑。而命

曰新里秦取之

經十有九年春王三月宋人執滕子嬰齊稱

以執。宋以罪及民告。例在成十五年。傳夏六

例不以名為義。書名及不書名。皆從赴。

月宋公曹人邾人盟于曹南

無傳曹雖與盟而猶不服不肯

致餼無地主之禮故不以國地而曰曹南所以及秋而見圍

鄆子會盟于

邾不及曹南之盟諸侯既罷鄆

已酉邾人執

鄆子用之

稱人以執宋以罪及民告也鄆雖失大國會盟之信然宋用之為罰

已虐故直書用之言若用畜產也不書社赴不及也不書宋使邾而以邾自用為文南面

之君善惡自專不得託之於他命。畜許又反秋宋人圍曹衛人伐

邢伐邢在圍曹前冬會陳人蔡人楚人鄭人

盟于齊

地於齊齊亦與盟

梁亡

以自亡為文非取者之罪所以惡梁

傳十九年春遂城而居之

承前年傳取新里故不復言秦也為

此冬梁亡傳

宋人執滕宣公夏宋公使邾文公用

鄆子于次睢之社欲以屬東夷

睢水受汴東經陳留梁誰

汴彭城縣入泗此水次有妖神東夷皆社祠之蓋殺人而用祭。睢音雖屬朱欲反司

馬子魚曰古者六畜不相為用

司馬子魚公

畜不相為用謂若祭馬先不用馬。畜許又反小事不用大牲而況

敢用人乎祭祀以為人也民神之主也用人

其誰饗之齊桓公存三亡國以屬諸侯

三亡國魯

邢衛義士猶曰薄德

謂欲因亂取

今一會而虐

二國之君

宋公三月以會召諸侯執滕子六月而會盟其月二十二日執鄆子

故云一會而虐二國之君又用諸淫昏之鬼非周社故將以求

霸不亦難乎得死為幸恐其秋衛人伐邢以

報菟圃之役邢不速退所以獨見伐於是衛大旱卜有

事於山川不吉有事祭也甯莊子曰昔周饑克殷

而年豐今邢方無道諸侯無伯伯長也天其或

者欲使衛討邢乎從之師興而雨宋人圍曹

討不服也曹南盟不脩地主之禮故子魚言於宋公曰文

王聞崇德亂而伐之軍三旬而不降崇崇侯虎退

脩教而復伐之因壘而降復往攻之備不改前而崇自服復

扶又反詩曰刑于寡妻至于兄弟以御于家邦

詩太雅言文王之教自近及遠寡妻嫡妻謂大妙也刑法也御如字治也詩五嫁反迎也

今君德無乃猶有所闕而以伐人若之何

盍姑內省德乎無闕而後動陳穆公請脩好

於諸侯以無忘齊桓之德冬盟于齊脩桓公

之好也宋襄暴虐故思齊桓梁亡不書其主自取之也

不書取梁者主名初梁伯好土功亟城而弗處民罷

而弗堪則曰某寇將至乃溝公宮溝塹欺冀反罷

音皮曰秦將襲我民懼而潰秦遂取梁

經二十年春新作南門

魯城南門也。本名稷門。僖公更高大之。今

猶不與諸門同。改名高門也。言新以易舊。言作以興事。皆更造之文也。

夏郟子

來朝

無傳。郟。姬姓國。郟。古報反。

五月乙巳西宮災

無傳。西宮。

公別宮也。天火曰災。例在宣十六年。

鄭人入滑

入。例在襄十三年。滑。于八反。

秋齊人狄人盟于邢冬楚人伐隨

傳二十年春新作南門書不時也

失土功之時。凡

啓塞從時

門戶道橋謂之啓。城郭牆塹謂之塞。皆官民之開閉。不可一日而闕。

故特隨壞時而治之。今僖公脩飾城門。非開閉之急。故以土功之制譏之。傳嫌啓塞皆從

土功之時。故別起從時之例。

滑人叛鄭而服於衛夏鄭公

會期。聞盟而往。故書公會諸侯。

傳二十一年春宋人爲鹿上之盟以求諸侯

於楚楚人許之公子目夷曰小國爭盟禍也

宋其亡乎幸而後敗

謂軍敗。

夏大旱公欲焚巫

尪

巫尪。女巫巫也。主祈禱請雨者。或以爲尪。非巫也。瘠病之人。其面上向。俗謂天哀其病。

恐雨入其鼻。故爲之旱。是以公欲焚之。

臧文仲曰非旱備

也脩城郭貶食省用務稽勸分

稽。儉也。勸。分。有無相濟。

貶。彼。反。

此其務也巫尪何爲天欲殺之則如勿

生若能爲旱焚之滋甚公從之是歲也饑而

一叔前後又

不害。不傷害民。秋諸侯會宋公子孟子魚曰禍其

在此乎。君欲已甚。其何以堪之。於是楚執宋

公以伐宋。冬會于薄。以釋之。子魚曰禍猶未

也。未足以懲君。為二十二年戰泓傳。任宿須句。顓臾。風

姓也。實司大皞與有濟之祀。司主也。大皞伏羲之後。故主其祀。任今在城縣也。顓臾在泰山南武陽縣東北。須句在東平須昌縣西北。四國封近於濟。故世祀之。任

以服事諸夏。與諸夏同音壬皞胡老反。濟子禮反。

邾人滅須句。須句子來奔。因成風也。須事服王。

成風。為之言於公曰。崇明祀。保小寡。周

子士洩堵寇。帥師入滑。公子士。鄭文公子。洩堵寇。鄭大夫。洩息

秋。齊狄盟于邢。為邢謀衛難也。於是衛方

病邢。隨以漢東諸侯叛楚。冬楚鬪穀於莒。帥

師伐隨。取成而還。君子曰。隨之見伐。不量力

也。量力而動。其過鮮矣。善敗由己。而由人乎

哉。詩曰。豈不夙夜。謂行多露。詩召南。言豈不

多露之濡已。以喻違禮而行。必有汗辱。是亦量宜相時而動之義。穀奴口反。於音烏菟

徒音。宋襄公欲合諸侯。臧文仲聞之曰。以欲從

人則可。屈己之欲。從眾之善。以人從欲。鮮濟。為明年鹿

上盟傳。

經二十有一年春狄侵衛無傳為宋人齊人

楚人盟于鹿上鹿上宋地汝陰有原鹿縣夏

大旱雩不獲雨故書旱自秋宋公楚子陳侯

蔡侯鄭伯許男曹伯會于孟孟宋地楚始與

稱執宋公以伐宋不言楚執宋公者宋無德

執之文見眾國共冬公伐邾無傳為邾滅須句故楚

人使宜申來獻捷無傳獻宋捷也十有二月癸丑公會諸

侯盟于薄釋宋公諸侯既與楚共伐宋宋服

禮也明祀大皞有濟之祀蠻夷猾夏周禍也

此邾滅須句而曰蠻夷昭二十三年叔孫豹

曰邾又夷也然則邾雖曹姓之國迫近諸戎

雜用夷禮故極言若封須句是崇皞濟而脩

祀紓禍也紓解也為明年伐

經二十有二年春公伐邾取須句須句雖別

不能自通為魯私屬若顓臾之比魯謂之社

稷之臣故滅奔及反其君皆略不備書唯書

須句伐邾取夏宋公衛侯許男滕子伐鄭秋八月

丁未及邾人戰于升陘升陘魯地邾人縣公

不言公又不言師敗績冬十有一月己巳朔宋公及楚

人戰于泓。宋師敗績。

泓水名。宋伐鄭。楚救之。故戰也。楚告命不以主

帥人數。故略稱人。

傳二十二年春伐邾取須句反其君焉禮也

得恤寡小之禮

三月鄭伯如楚夏宋公伐鄭子魚曰

所謂禍在此矣

怒鄭至楚故伐之為下泓戰起

初平王之東

遷也

周幽王為犬戎所滅平王嗣立故東遷洛邑

辛有適伊川見

被髮而祭於野者

辛有周大夫伊川周地伊水也

曰不及百

年此其戎乎其禮先亡矣

被髮而祭有象夷狄秋秦晉

遷陸渾之戎于伊川

允姓之戎居陸渾在秦晉西北二國誘而徙之

伊川遂從戎號至今為陸渾縣也計此去辛有過百年而云不及百年傳舉其事驗不必

其年信。渾戶門反。一胡困反。

晉天子圍為質於秦將逃歸

謂嬴氏曰與子歸乎

嬴氏秦所妻子圍懷嬴也。質音致妻七計反

對曰子晉天子而辱於秦子之欲歸不亦宜

乎寡君之使婢子侍執巾櫛

婢子婦人之卑稱也。櫛側乙

反稱尺證反

以固子也從子而歸弃君命也不敢

從亦不敢言遂逃歸

蘇傳終史占

富辰言於王曰

請召大叔

富辰周大夫大叔主子帶十二年奔齊

詩曰協比其

鄰昏姻孔云

詩小雅言王者為政先和協近親則昏姻甚相歸附也鄰猶近

也。孔。甚也。云。旋也。吾兄弟之不協。焉能怨諸侯之不

睦。王說。王子帶自齊復歸于京師。王召之也。

傳終仲孫湫之言也。為二十四年。天。王出居于鄭起。湫子小反。邾人以須

句故出師。公卑邾。不設備而禦之。甲。小也。禦。魚呂反。

臧文仲曰。國無小。不可易也。無備。雖眾不可

恃也。詩曰。戰戰兢兢。如臨深淵。如履薄冰。詩小

雅。言常。戒懼。又曰。敬之敬之。天維顯思。顯。明也。思。猶辭也。

命不易哉。周頌。言有國宜敬戒。天。明臨下。奉承其命甚難。先王之明

德。猶無不難也。無不懼也。況我小國乎。君其

無謂邾小。逢蠆。蠆有毒。而況國乎。弗聽。八月。丁

未。公及邾師戰于升陘。我師敗績。邾人獲公

冑。縣諸魚門。冑。兕。魚。門。邾城門。楚人伐宋以救鄭。宋

公將戰。大司馬固諫曰。天之弃商久矣。君將

與之。弗可赦也已。大司馬固。莊公之孫。公孫。固也。言君與天所弃。必不

可。不如赦。楚。勿與戰。弗聽。冬。十一月。己巳。朔。宋公及楚

人戰于泓。宋人既成列。楚人未既濟。未。盡渡。泓水。

司馬曰。子魚也。彼眾我寡。及其未既濟也。請擊

之。公曰。不可。既濟而未成列。又以告。公曰。未

可既陳而後擊之宋師敗績公傷股門官殲

焉門官守門者師行則在君左右國人皆咎

公公曰君子不重傷不禽二毛二毛頭白古

之為軍也不以阻隘也不因阻隘以求勝寡人雖亡

國之餘宋商紂之後不鼓不成列詐勝子魚曰君

未知戰勅敵之人隘而不列天贊我也勅強也言

楚在險隘不得陳列天所以佐宋阻而鼓之不亦可乎猶有

懼焉雖因阻擊之猶恐不勝且今之勅者皆吾敵也雖

及胡者獲則取之何有於二毛今之勅者謂與吾競者胡

者元老之稱明恥教戰求殺敵也明設刑戮傷未

及死如何勿重言尚能害已若愛重傷則如勿傷

愛其二毛則如服焉言苟不欲傷殺敵三軍

以利用也為利與金鼓以聲氣也鼓以佐士利

而用之阻隘可也聲盛致志鼓儵可也儵巖未整

陳僿丙子晨鄭文夫人羊氏姜氏勞楚子

於柯澤楚子還過鄭鄭文公夫人羊氏楚女姜氏齊女也柯澤鄭地羊彌爾反

勞力楚子使師縉示之俘馘師縉楚樂師也

君子曰非禮也婦人送迎不出門見兄弟

不踰闕闕門限。闕音。又況域反。戎事不邇女器邇近也。器。

物也。言俘馘非近婦人之物。丁丑。楚子入饗于鄭為鄭所饗。九

獻用上公之禮。九。獻酒而禮畢。庭實旅百庭中所陳。品數百也。加籩

豆六品食物六品。加於籩豆。籩豆。禮食器。饗畢。夜出。文芊送

于軍。取鄭二姬以歸二姬。文芊女也。叔詹曰。楚王其

不沒乎不以壽終。為禮卒於無別。無別不可謂禮。

將何以沒。諸侯是以知其不遂霸也言楚子所以師

經二十有二年。春。齊侯伐宋。圍緡緡。宋邑。高平昌邑縣。

東南有東緡城。緡亡巾反。夏五月。庚寅。宋公茲父卒三

盟。秋。楚人伐陳。冬。十有一月。杞子卒傳例曰。不書名。

未同盟也。杞入春秋稱侯。莊二十七年。絀稱伯。至此用夷禮。貶稱子。絀勅律反。

傳二十三年。春。齊侯伐宋。圍緡。以討其不與

盟于齊也十九年盟于齊。以無忘桓公之德。而宋獨不會。復召齊人共盟。鹿上。

故今討之。夏五月。宋襄公卒。傷於泓。故也終

魚之言。得死為幸。秋。楚成得臣帥師伐陳。討其貳於

宋也成得臣。子玉也。遂取焦夷。城頓而還焦。今譙縣也。夷。一名

城父。今譙郡城父縣。二地皆陳邑。頓國。今汝陰南頓縣。子文以為之功。

三傳卷之六

使為令尹。叔伯曰：子若國何？

叔伯，楚大夫。遠，呂臣也。以為子

王不任令尹。遠，為彼反。任，音壬。

對曰：吾以靖國也。夫有大

功而無貴仕，

貴仕，貴位。其人能靖者與。有幾，言必

為亂，不可不賞。與，音餘。幾，居豈反。

九月，晉惠公卒。

公命無從亡人。

懷公，子圉。重耳，期期而不至。無赦，

狐突之子毛及偃從重耳在秦，弗召。

偃，子犯也。期，

期，上如字，下音基。從，才用反。

冬，懷公執狐突曰：子來則免。

未期而執突。對曰：子之能仕，父教之忠。古之

制也。策名委質，貳乃辟也。

名書於所臣之策。屈膝而君事之，則

不可以貳。辟，罪也。質，如字。辟，婢亦反。

今臣之子名在重耳，有

年數矣。若又召之，教之貳也。父教子貳，何以

事君？刑之不濫，君之明也。臣之願也。淫刑以

逞，誰則無罪？臣聞命矣。乃殺之。卜偃稱疾不

出，曰：周書有之，乃大明服。

周書，康誥。言君已能大明，則民服。

則不明而殺人以逞，不亦難乎？民不見德而

唯戮是聞，其何後之有？

言懷公必無後於晉。為二十四年殺懷公。

十一月，杞成公卒。書曰：子杞夷也。

成公始行夷禮。

以終其身。故於卒貶之。杞實稱伯。仲尼不書以文貶稱子。故傳言書曰：子以明之。

名未同盟也。凡諸侯同盟，死則赴以名，禮也。

隱七年已見。今重發不書名者，疑降爵故也。此凡又為國史承告而書例。赴以名。

則亦書之。謂未同盟。不然則否。謂同盟而告。辟不敏

也。敏猶審也。同盟然後告名。赴者之禮也。承赴然後書策。史官之制也。內外之宜不同。

故傳重詳其義。晉公子重耳之及於難也，晉人伐諸

蒲城。事在五年。蒲城人欲戰，重耳不可，曰：「保君父

之命而享其生祿，猶恃也。」保於是乎得入，以

致有入而校罪莫大焉。校報也。吾其奔也。遂奔

狄。從者狐偃、趙衰、衰趙夙弟。顛頡、魏武子。武子魏顛。

戶結反。驪尺由反。司空季子。胥臣曰季也。時狐毛、賈

賢而有大功。狄人伐齊，咎如。齊咎如，赤狄之

曰其九反。獲其二女，叔隗、季隗，納諸

公子。公子取季隗，生伯鯀。叔劉以叔隗妻趙

衰，生盾。盾趙宣子。儵直由反。將適齊，謂季

隗曰：「待我二十五年，不來而後嫁。」對曰：「我二

十五年矣。又如如是而嫁，則就木焉。」言將死入

嫁。請待子。處狄十二年而行。以五年奔狄，至

過衛，衛文公不禮焉，出於五鹿。五鹿，衛地。今

地名五鹿。陽平元城縣東亦有五鹿。乞食於野人。野人與之塊。

公子怒，欲鞭之。子犯曰：「天賜也。」得土有國之祥，故以為天

賜。塊，苦對反。又苦怪反。稽首受而載之。及齊，齊桓公妻

之，有馬二十乘。四馬為乘，八十四匹也。公子安之，從者以

為不可，將行，謀於桑下。齊桓既卒，知孝不可恃故。蠶妾

在其上，以告姜氏。姜氏殺之。姜氏重耳妻，恐孝公怒其去，故

殺妾以滅口。而謂公子曰：「子有四方之志，其聞之

者，吾殺之矣。」公子曰：「無之。」姜曰：「行也，懷與安，

實敗名。公子不可。」姜與子犯謀，醉而遣之。醒

以戈逐子犯。無去志，故怒。及曹，曹共公

聞其駢脅，欲觀其裸，浴薄而觀之。薄，迫也。駢，

脅，許業反。駢，脅并也。脅，幹謂之肋，裸，力果反。僖負羈之妻曰：「吾觀

晉公子之從者，皆足以相國。若以相，若遂以

相，羈紀宜反。息亮反。夫子必反其國。反其國，必得志

於諸侯，得志於諸侯，而誅無禮。曹其首也。子

盍蚤自貳焉。自貳，自別。曹，異於曹。乃饋盤飧，實璧焉。臣

竟外之交，故用盤藏璧。飧，中不欲令人見。飧，音孫。公子受飧，反璧。及

宋，宋襄公贈之以馬二十乘。贈，送也。及鄭，鄭文

公亦不禮焉。叔詹諫曰：臣聞天之所啓，人弗及也。啓，開也。晉公子有二焉：天其或者將建諸君其禮焉。男女同姓，其生不蕃。蕃，息也。音煩。晉公子姬出也，而至于今一也。大戎狐姬之離，故曰姬出。離外之患，出，奔在外。而天不靖晉國，殆將啓之。二也。有三士足以上人而從之。三也。國語：狐偃、趙衰、賈佗，三人皆卿才。從，如字。一才用反。晉鄭同儕。儕，等也。士皆反。其過子弟，固將禮焉。況天之所啓乎？弗聽。及楚，楚子嚮之，曰：公子若反晉國，則何以報？不穀對曰：

子女玉帛，則君有之；羽毛齒革，則君地生焉。其波及晉國者，君之餘也，其何以報君？曰：雖然，何以報我？對曰：若以君之靈，得反晉國，晉楚治兵，遇於中原，其辟君三舍。若不獲命，三，不得楚止命也。過，古木反。其左執鞭弭，右屬橐鞬，以與君周旋。弭，弓末無緣者，橐以受箭，鞬以受弓。屬，著也。周旋，相追逐也。弭，莫爾反。曰：晉公子廣而儉，志廣而體儉。文而有禮，其從者肅而寬，肅，敬也。忠而能力，晉侯無親，外內惡之。

屬音燭

橐古刀反

鞬

子玉請殺之

畏其楚子

晉侯惠公吾聞姬姓唐叔之後其後衰者也。
惡去聲

其將由晉公子乎天將興之誰能廢之違天

必有大咎乃送諸秦秦伯納女五人懷嬴與

焉懷嬴子圉妻子圉諡懷公故號為懷嬴奉匱沃盥既而揮之

匱沃盥器也揮澆也怒曰秦晉

匹也何以卑我也匹敵公子懼降服而囚去上服自

拘囚以謝之他日公享之子犯曰吾不如衰

之文也有文辭也請使衰從公子賦河水

河水逸詩義取河水公賦六月六月詩小雅朝宗于海海喻秦

宣王征伐喻公子還晉必能匡王國古者禮會因古詩以見意故言賦詩斷章也其全稱

詩篇者多取首章之義他皆趙衰曰重耳拜

賜公子降拜稽首公降一級而辭焉下階一級辭公

子稽衰曰君稱所以佐天子者命重耳重耳

敢不拜詩首章言匡王國次章言佐天子故趙衰因通言之為明年秦伯納之張

本

經二十有四年春王正月夏狄伐鄭秋七月

冬天王出居于鄭襄王也天子以天下為家

書出者譏王蔽於匹夫之孝不顧天下之重晉

重因其辟母弟之難書出言其自絕於周

侯夷吾卒

文公定位而後告。未同盟而赴以名。

傳二十四年春王正月秦伯納之不書不告

入也

納重耳也

及河子犯以璧授公子曰臣負羈

綫從君巡於天下

羈馬羈綫馬繮也。反馬絡頭也。

羈紀宜也。從不用。反。又如字。

臣之罪甚多矣臣猶知之而況君

乎請由此亡公子曰所不與舅氏同心者有

如白水

子犯重耳舅也。言與舅氏同心之明。如此白水猶詩言謂予不信有如皦

日投其璧于河

質信於河。質音致。濟河圍令狐入桑

泉取曰衰

桑泉在河東解縣西。解縣東南二。衰初危反。解戶買反。

月甲午晉師軍于廬柳

懷公遣軍距重耳

秦伯使公

子繫如晉師師退軍于郇

解縣西北有郇城

辛丑狐

偃及秦晉之大夫盟于郇壬寅公子入于晉

師丙午入于曲沃丁未朝于武宮

文公之祖武公廟

戊申使殺懷公于高梁不書亦不告也

懷公奔高

梁高梁在平陽楊縣西南再發不告者言外諸侯入及見殺亦皆須告乃書于策呂

卻畏偪

呂甥卻芮惠公舊臣故畏為文公所偪害

將焚公宮而弒

晉侯寺人披請見公使讓之且辭焉

辭不見請見

賢遍反

曰蒲城之役

在五年

君命一宿女即至

即日

至其後余從狄君以田渭濱田獵女為惠公來

求殺余命女三宿女中宿至雖有君命何其

速也夫祛猶在披所斬文公衣袂也。為干偽反。中丁仲反。下注同。祛起

反魚女其行乎對曰臣謂君之入也其知之矣

之道知君人若猶未也又將及難君命無二古之

制也除君之惡唯力是視蒲人狄人余何有

焉當二君世君為蒲狄之人。於我有何義。今君即位其無蒲狄

乎齊桓公置射鉤而使管仲相乾時之役。管仲射桓公。中帶鉤。射君若易之何辱命焉言君反齊桓已將自去。不

食亦反

須辱行者甚眾豈唯刑臣披。奄人。故公見之

以難告告呂卻欲焚公宮三月晉侯潛會秦伯于王

城己丑晦公宮火瑕甥卻芮不獲公乃如河

上秦伯誘而殺之晉侯逆夫人嬴氏以歸秦穆

嬴也公女。文秦伯送衛於晉三千人實紀綱之僕

諸門戶僕隸之事皆秦卒共之為之紀綱初

晉侯之豎頭須守藏者也頭須。一曰里鳧須。豎。左右小吏。豎

資而亡重耳無糧餒不能行其出也竊藏

子推割股以食重耳然後能行

以逃出文公時盡用以求納之求納文公及入求見公

辭焉以沐謂僕人曰沐則心覆心覆則圖反

宜吾不得見也居者為社稷之守行者為羈

紲之僕其亦可也何必罪居者國君而讎匹

夫懼者甚眾矣僕人以告公遽見之言奔小怨所以

能安眾。見賢狄人歸季隗于晉而請其二

子二子伯文公妻趙衰生原同屏括樓嬰原屏

樓。三子之邑。妻趙姬請逆盾與其母趙姬

七計反屏步丁反姬曰得寵而忘

舊何以使人必逆之固請許之來以盾為才

固請于公以為嫡子而使其三子下之以叔

隗為內子而已下之卿之嫡妻為內子皆非此年事蓋因狄人歸季

隗。遂終言叔隗晉侯賞從亡者介之推不言祿祿亦

弗及介推文公微臣之語助推曰獻公之子

九人唯君在矣惠懷無親外內弃之天未絕

晉必將有主主晉祀者非君而誰天實置之

而二三子以為己力不亦誣乎竊人之財猶

謂之盜況貪天之功以為己力乎下義其罪

上賞其姦。上下相蒙。蒙欺也。難與處矣。其母曰。

盍亦求之。以死誰對。對曰。尤而效之。罪又甚

焉。且出怨言。不食其食。怨言。謂上下相蒙難與處。對直類反。

其母曰。亦使知之。若何。既不求之。且欲令對推達言於文公。

曰。言身之文也。身將隱。焉用文之。是求顯也。

其母曰。能如是乎。與女偕隱。偕俱也。女音汝。遂隱

而死。晉侯求之不獲。以緜上為之田。曰。以志

吾過。且旌善人。旌表也。西河界休縣南有地名緜上。鄭之入滑

也。滑人聽命。入滑在二十一年。師還。又即衛。鄭公子士

洩堵俞彌帥師伐滑。堵俞彌鄭大夫。王使伯服游孫

伯如鄭請滑。二子。周大夫。鄭伯怨惠王之入。而不

與厲公爵也。事在莊二十一年。又怨襄王之與衛滑

也。怨王助衛為滑請。故不聽王命而執二子。王怒。將

以狄伐鄭。富辰諫曰。不可。臣聞之。大上以德

撫民。無親疏也。其次親親。以相及也。先親以及疏。推恩以成義。

昔周公弔二叔之不咸。故封建親戚。以蕃屏

周。弔傷也。咸同也。周公傷夏殷之叔世。管蔡疏其親戚。以至滅亡。故廣封其兄弟。管蔡

邠。霍魯衛毛聃郃雍曹滕畢原。鄭郇文之昭。

也北。十六國。皆文王子也。管國在滎陽京縣東。北。雍國在河內山陽縣西。畢國在長安縣

西北。豐國在始平鄠縣東。西。晉應韓武之

穆也四國皆武王子。應國在襄陽城父縣西。南。韓國在河東郡界。河內野王縣西北。

有邢城。凡蔣邢茅胙祭。周公之胤也。胤。嗣也。蔣

在弋陽期思縣。高平昌邑縣。西有茅鄉。東郡燕縣。西南有胙亭。祭音瘞。召穆公

思周德之不類。故糾合宗族于成周。而作詩

類。善也。糾。收也。召穆公。周卿士。名虎。召。采地。扶風雍縣東南。有召亭。周厲王之時。周德衰

微。兄弟道缺。召穆公于東都。收會宗族。日常

棣之華。鄂不韡韡。常棣。棣也。鄂。鄂然。華。外發。不韡韡。言韡韡。以喻兄弟

和睦。則強盛。而有光輝。韡韡。然。不方九反。韡。韡。韡。鬼反。凡今之人。莫如

兄弟。言致。韓。韓之盛。莫如親兄弟。其四章曰。兄弟鬩于牆。

外禦其侮。鬩。訟爭貌。言內雖不和。猶宜外如。扞異族之侵侮。鬩。呼歷反。

是則兄弟雖有小忿。不廢懿親。懿。美也。今天子

不忍小忿。以弃鄭親。其若之何。庸勲親親。暱

近尊賢德之大者也。庸。用也。暱。親也。即聳從

昧與頑。用嚚姦之大者也。弃德崇姦。禍之大

者也。崇。聚也。鄭有平惠之勲。平王東遷。晉鄭是。依。惠王出奔。號鄭

納之。是又有厲宣之親。鄭始封之祖。桓公友。其勲也。周厲王之子。宣王之

母弟弃嬖寵而用三良七年殺嬖臣申侯。十六年殺寵子子華也。三良。

叔詹。皆叔師於諸姬為近道近。當四德具矣。

耳不聽五聲之和為聾。目不別五色之章為

昧。心不則德義之經為頑。口不道忠信之言

為囁。狄皆則之。四姦具矣。周之有懿德也。猶

曰。莫如兄弟。故封建之。當周公時。故言其懷

柔天下也。猶懼有外侮。扞禦侮者。莫如親親。

故以親屏周。召穆公亦云。周公作詩。召公今

周德既衰。於是乎又渝周召。以從諸姦。無乃

不可乎。變下。周召親民未忘禍。王又興之。前有

之亂。中有叔帶召其若文武何。言將廢文王

弗聽。使頹叔桃子出狄師。二子。周夏狄伐鄭。

取櫟。王德狄人。將以其女為后。富辰諫曰。不

可。臣聞之曰。報者倦矣。施者未厭。施。功勞也。

報過甚。櫟。力狄反。施。如狄固貪恠。王又啓

之。女德無極。婦怨無終。婦女之志。近之則不

無色。終猶已也。恠。力南反。狄必為患。王又

弗聽。初。甘昭公有寵於惠后。甘昭公。王子帶

也。食邑於甘河。

南縣西南。惠后將立之。未及而卒。昭公奔齊。

有甘水。奔齊在十二年。王復之。在二十二年。又通於隗氏。隗氏王所立狄。

后王替隗氏。替廢也。頹叔桃子曰：我實使狄狄。

其怨我，遂奉大叔以狄師攻王。王御士將禦。

之。周禮王之御士十二人。王曰：先后其謂我何？先后惠后也。誅。

先犬叔恐違后志。寧使諸侯圖之。王遂出。及坎飲國。

人納之。坎飲周地。在河南鞏縣東。秋，頹叔桃子奉。

大叔以狄師伐周，大敗周師，獲周公忌父、原。

伯、毛伯、富辰。原，毛皆采邑。王出適鄭，處于汜。鄭南汜也。

在襄城縣南。大叔以隗氏居于温。鄭子華

之弟子臧出奔宋。十六年殺子華故。好聚鷓冠。鷓鳥名。聚。

鷓羽以為冠。非法之服。鄭伯聞而惡之。惡其服非。

法使盜誘之。八月，盜殺之于陳宋之間。君子

曰：服之不衷，身之災也。衷猶適也。一丁仲反。詩曰：

彼己之子，不稱其服。詩曹風刺小人在位。言彼人之德不稱其服。

已音記稱尺證反。子臧之服，不稱也夫。詩曰：自詒伊

慙，其子臧之謂矣。詩小雅詒遺也。慙憂也。取其自遺憂。遺唯季反。

夏書曰：地平天成，稱也。夏書逸書。地平其化。天成其施。上下相稱。

為宋及楚平。宋成公如楚，還入於鄭。鄭伯將

享之，問禮於皇武子。皇武子，鄭卿。對曰：「宋先代之

後也。於周為客，天子有事，膳焉。有事，祭宗廟也。膳，祭肉。尊

之。故賜以祭胙。有喪，拜焉。宋弔周喪。王特拜謝之。豐厚可也。鄭

伯從之。享，宋公有加禮也。禮物事事加厚。善鄭能尊先代。冬，

王使來告難，曰：「不穀不德，得罪于母弟之寵

子帶，鄙在鄭地汜。鄙，野也。敢告叔父。天子謂同姓諸侯曰

叔臧文仲對曰：「天子蒙塵于外，敢不奔問。官

守。官守，王之羣臣。守，守。守，王。守，又反。下同。王使簡師，父告于晉，使

左鄔父告于秦。鄔，子。周大夫。鄔於晚反。天子無出書，曰：

「天王出居于鄭，辟母弟之難也。叔帶，襄王同母弟。天

子凶服降名禮也。凶服，素服。降名，稱不穀。鄭伯與孔將

鉏、石甲父、侯宣多省視官具于汜。三子，鄭大夫。省，官司。

鉏，具器用。仕居反。而後聽其私政禮也。得先君後已之禮。衛

人將伐邢，禮至曰：「不得其守，國不可得也。禮至。

衛大夫守，謂邢正卿國子。我請昆弟仕焉。乃往得仕。為明年滅

邢傳。經二十有五年春，王正月丙午，衛侯燬滅邢。

衛邢同姬姓。惡其親。夏四月癸酉，衛侯燬卒。

親相滅，故稱名。罪之。無傳。五。宋蕩伯姬來逆婦。宋大夫蕩氏妻也。

自為其子來逆，稱婦。姑存之辭。婦人。越竟迎婦，非禮。故書。自為于偽反。宋殺其

大夫。無傳。其事則未聞於例。秋，楚人圍陳，納

頓子于頓。頓迫於陳而出奔楚。故楚圍陳以

入。從告。頓子不言。遂明一事也。子玉稱葬衛文公。無傳。冬十有二月。

癸亥，公會衛子莒慶盟于泚。泚，魯地。衛文公

爵者。述父之志。降名。從未成君。故傳。二十五年春，衛人伐邢。二禮從國子巡城。

書。子以善之。莒慶不稱氏。未賜族。

掖以赴外，殺之。正月丙午，衛侯燬滅邢，同姓

也。故名。禮至為銘曰：余掖殺國子，莫余敢止。

惡其不知恥。詐以滅秦伯師于河上，將納王。

同姓。而反銘功於器。狐偃言於晉侯曰：求諸侯莫如勤王。勤，納諸

侯，信之。且大義也。繼文之業，而信宣於諸侯。

今為可矣。晉文侯仇為平王使卜偃卜之曰：

吉。遇黃帝戰于阪泉之北。黃帝與神農之後

野。勝之。今得其公曰：吾不堪也。文公自以為

北。故以為吉。對曰：周禮未改，今之王，古之帝也。言周

日不對曰：周禮未改，今之王，古之帝也。德雖

衰其命未改今之周王自當帝兆不謂晉公曰筮之筮之遇大有

三三上乾下離之睽**三三**允下離上睽大有曰

吉遇公用享于天子之卦大有九三爻辭也

變而為允允為說得位而說故能為王所宴饗也戰克而王饗吉孰

大焉言十筮且是卦也方更摠言二卦之義不繫於一文天

為澤以當日天子降心以逆公不亦可乎乾

天允為澤乾變為允而上當離離為日日之在天垂曜在澤天子在上說心在下是降心

逆公大有去睽而復亦其所也言去睽卦還

天子降心之象乾尊離卑降尊下卑亦其義也晉侯辭秦師而下讓

秦師使還順三月甲辰次于陽樊右師圍温

犬叔在温故左師逆王夏四月丁巳王入于王城

取犬叔于温殺之于隰城戊午晉侯朝王王

饗醴命之宥既行饗禮而設醴酒又加之請

隧弗許闕地通路曰隧王之葬禮也諸侯皆縣柩而下曰王章也章

王者與諸侯異未有代德而有二王亦叔父之所惡

也與之陽樊温原攢茅之田晉於是始啓南

陽在晉山南河北故曰南陽攢才官反陽樊不服圍之倉葛

呼曰蒼葛陽樊人德以柔中國刑以威四夷

三傳卷六

二十一

宜吾不敢服也。此誰非王之親姻。其俘之也。

乃出其民。取其土而已。秋。秦晉伐郟。郟本在商密。秦楚界上小國。其後遷於南郡。

楚鬬克屈禦寇以申息之

師戍商密。鬬克申公子儀屈禦寇息公子邊商密都別邑今南鄉丹水縣戍守也。二子屯兵於

秦人過析隈入而係輿人以

圍商密昏而傅焉。析楚邑一名白羽今南鄉析縣隈隱蔽之處係縛輿

人詐為克析得其囚俘者昏而傅城不欲令

宵坎血加書偽與子儀子邊盟者。掘地為

商密人懼曰秦取析矣戍人反

矣乃降秦師秦師囚申公子儀息公子邊以

歸。商密既降析戍亦楚令尹子玉追秦師弗

及。不復言晉者遂圍陳納頓子于頓。為頓圍陳冬

晉侯圍原命三日之糧原不降命去之謀出

也。謀開曰原將降矣軍吏曰請待之公曰信國

之寶也民之所庇也得原失信何以庇之所

亡滋多退一舍而原降遷原伯貫于冀。伯貫周守

趙衰為原大夫狐溱為温大夫。狐溱狐

衛人平莒于我十二月盟于洮脩衛文公之

宜吾不敢服也。此誰非王之親姻，其俘之也。

乃出其民。取其土而已。秋，秦晉伐郟。郟，秦楚界上小國。其後遷於南郡。楚鬬克、屈禦寇以申息之

師戍商密。鬬克，申公子儀，屈禦寇，息公子邊也。二子屯兵於秦人過析，隈入而係輿人，以

圍商密，昏而傅焉。析，楚邑，一名白羽，今南鄉析縣。隈，隱蔽之處。係，縛輿人。詐為克析，得其囚俘者，昏而傅城，不欲令

宵坎血加書，偽與子儀子邊盟者。附，掘地為

商密人懼曰：秦取析矣，戍人反

矣。乃降秦師，秦師囚申公子儀。息公子邊以

歸。商密既降，析戍亦楚令尹子玉追秦師，弗

及。不復言晉者，秦為兵主。遂圍陳，納頓子于頓，圍陳冬。

晉侯圍原，命三日之糧。原不降，命去之。謀出

也。謀，間也。曰：原將降矣。軍吏曰：請待之。公曰：信國

之寶也。民之所庇也，得原失信，何以庇之所

亡滋多。退一舍而原降。遷原伯貫于冀。伯貫，周守

也。原大夫。趙衰為原大夫，狐溱為温大夫。狐溱，狐

衛人平莒于我。十二月，盟于洮。脩衛文公之

好且及莒平也。莒以元年酈之役怨魯。衛文公將平之。未及而卒。成公追

成父志降名以行事。故曰脩文公之好。酈力知反。晉侯問原守於寺

人勃鞞。勃鞞披也。又反鞞。下兮反。對曰。昔趙衰以壺

飧從徑。餒而弗食。言其廉且仁。不忘君也。徑猶行也。飧音孫。從才用。

反。故使處原。從披言也。衰雖有大功。猶小善以進之。示不遺勞。

經二十有六年春。王正月己未。公會莒子。衛

甯速。盟于向。向。莒地。甯速。衛大夫。向舒亮反。齊人侵我

西鄙。公追齊師至鄆。弗及。公逐齊師。遠至齊地。故書之。濟北穀

城縣西有地名鄆。下。鄆戶圭反。夏。齊人伐我北鄙。魯公未

先使微者伐之。衛人伐齊。公子遂如楚。乞師。公子遂魯卿也。

秋。楚人滅夔。以夔子歸。夔。楚同姓國。今建平秭歸。

冬。楚人伐宋。圍緡。公以楚

師伐齊。取穀。傳例曰。師能左右之曰以。公至自伐齊。

傳二十六年春。王正月。公會莒茲平公。茲平。莒君。

齊師侵我西鄙。討是二盟也。夏。齊孝公

伐我北鄙。衛人伐齊。洮之盟故也。公使展喜

犒師。勞齊師。使受命于展禽。柳下惠。齊侯未入竟。

之號。莒夷無諡。以號為稱。齊莊子盟于向。尋洮之盟也。盟

展喜從之曰寡君聞君親舉玉趾將辱於敝

邑使下臣犒執事言執事不敢并尊齊侯曰魯人恐

乎對曰小人恐矣君子則不恐齊侯曰室如縣

罄野無青草何恃而不恐如而也時夏四月今之二月野物未

成故言居室而資糧縣盡在野則無蔬食之物所以當恐對曰恃先王之

命昔周公太公股肱周室夾輔成王成王勞

之而賜之盟曰世世子孫無相害也載在盟

府載載也書也大師職之職主也大公為大桓公是

以糾合諸侯而謀其不協彌縫其闕而匡救

其災昭舊職也及君即位諸侯之望曰其率

桓之功率循也我敝邑用不敢保聚用此舊盟

故不聚眾保守曰豈其嗣世九年而弃命廢職其若

先君何君必不然恃此以不恐齊侯乃還東

門襄仲臧文仲如楚乞師襄仲居東門故以

仲副使故不書臧孫見子玉而道之伐齊宋以其不

臣也言其不臣事周室可夔子不祀祝融與

鬻熊祝融高辛氏之火正楚之遠祖也鬻熊祝融之十二世孫夔楚之列封故亦世

祀紹其楚人讓之對曰我先王熊摯有疾鬼神

弗赦而自竄于夔

熊摯楚嫡子有疾不得嗣位故別封為夔子

吾

是以失楚又何祀焉

廢其常祀而飾辭文過

秋楚成得

臣鬬宜申帥師滅夔以夔子歸

成得臣令尹子玉也鬬宜

申司馬子西也

宋以其善於晉侯也

重耳之出也宋襄公贈馬二十

乘

叛楚即晉楚令尹子玉司馬子西帥師

伐宋圍緡公以楚師伐齊取穀凡師能左右

之曰以

左右謂進退在己左右並如字

寘桓公子雍於穀

易牙奉之以為魯援

雍本與孝公爭立故使居穀以備齊楚申

公叔侯戍之

為二十八年楚子使申叔去穀張本

桓公之子七

人為七大夫於楚

言孝公不能撫公族



春秋經傳集解僖公中第六

